



Broj: 05-2-05-9/20 E.R.B.

Sarajevo, 05.03.2020. godine

Na osnovu člana 64. stav (1) tačka b) člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: 05-2-05-8/20 E.R.-B. od 05.03.2020. godine, u postupku nabavke usluga procjene zdravstvenog stanja šuma u zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

### **O D L U K U** **o izboru ponuđača**

#### **Član 1.**

Prihvata se Preporuka Komisije za javnu nabavku, broj: 05-2-05-8/20 E.R.-B. od 05.03.2020.godine, te se dodjeljuje Ugovor o vršenju usluga procjene zdravstvenog stanja šuma u zaštićenim prirodnim područjima Kantona Sarajevo za 2020. godinu ponuđaču Šumarski fakultet, Univerzitet u Sarajevu čija ukupna cijena ponude iznosi bez PDV-a iznosi 4.980,00 KM odnosno sa uračunatim PDV-om iznosi 5.826,60 KM.

#### **Član 2.**

Ova odluka objavit će se na web-stranici Javne ustanove [www.zppks.ba](http://www.zppks.ba) istovremeno s dostavljanjem ove odluke izabranom ponuđaču.

#### **Član 4.**

Ova odluka stupa na snagu danom donošenja.

### **O b r a z l o ž e n j e**

U Kantonalnoj javnoj ustanovi za zaštićena prirodna područja ukazala se potreba za uslugama procjene zdravstvenog stanja šuma u zaštićenim prirodnim područjima Kantona Sarajevo i to:

1. Determinacija i kvantifikacija ulova potkornjaka na godišnjem nivou za monitoring do 40 lovnihi klopki;
2. Izrada periodičnog izvještaja o rezultatima determinacije i kvantifikacije ulova potkornjaka;
3. Usluga terenskog izlaska eksperta iz oblasti zaštite šuma na procjeni zdravstvenog stanja šumskih ekosistema na tri zaštićena prirodna područja i
4. Izrada završnog izvještaja o procjeni ugroženosti područja od napada populacije potkornjaka i drugih štetnih insekata i bolesti šuma na zaštićenim prirodnim područjima, sa prijedlogom mjera na njihovom suzbijanju.

Direktoru ove Ustanove je podnesen zahtjev za nabavkom prethodno navedenih usluga. Razmatrajući predmetni zahtjev, uzeta je u obzir činjenica da je predmetne nabavka neopodna radi zaštite šuma u zaštićenim prirodnim područjima kojima upravlja Ustanova te je sa tog aspekta potrebno pokrenuti zakonsku proceduru javne nabavke.

Procijenjena vrijednost usluga je 5.500 KM bez PDV-a.

Komisija za javnu nabavku imenovana je Odlukom broj: 03-05-1/20 od 12.02.2020. godine.

Obzirom na procijenjenu vrijednost usluga, nabavka je provedena putem direktnog sporazuma.

U tom smislu izvršeno je istraživanje tržišta, te je pismeni zahtjev za dostavu prijedloga cijene upućen ponuđaču Univerzitet u Sarajevu, Šumarski fakultet u Sarajevu.

Nakon što je zaprimljena ponuda od strane prethodno navedenog ponuđača, Komisija je sačinila Zapisnik o ocjeni ponuda broj: 05-2-05-7/20 E.R.-B. od 05.03.2020. i Preporuku o izboru ponuđača broj: 05-2-05-8/20 E.R.-B. od 05.03.2020. godine, u postupku nabavke usluga procjene zdravstvenog stanja šuma u zaštićenim prirodnim područjima Kantona Sarajevo.

Na osnovu gore izloženog, direktor je donio Odluku kao u dispozitivu.



**DIREKTOR**

mr./sci. Osman Delić

Dostaviti:

- 1) Šumarski fakultet, Univerzitet u Sarajevu
- 2) Za objavu na web stranici Javne ustanove
- 3) U spis predmeta